



# SJÓMANNASAMBAND ÍSLANDS

Guðrúnartúni 1, 105 Reykjavík - Sími 5610769 - netfang hj@ssi.is

Nefndasvið Alþingis  
b.t. Atvinnuveganefndar  
Austurstræti 8 – 10  
150 Reykjavík

Reykjavík 27. apríl 2018.

**Efni: 9. mgr. 11. gr. laga nr. 116/2006.**

Þann 26. apríl síðastliðinn samþykkti Alþingi breytingar á lögum nr. 116/2006. Breytingin felur í sér að við bætist bráðabirgðaákvæði er varðar strandveiðar.

Í þessu bráðabirgðaákvæði laganna er strandveiðiskipum heimilað að landa ufsa, allt að 700 tonnum, án þess að hann teljist til hámarksafla við strandveiðarnar. Sambærilegt ákvæði er í lögnum varðandi þau skip sem hafa annars konar veiðileyfi en strandveiðileyfi. Er þar verið að vísa til 9. mgr. 11. gr. laganna um stjórn fiskveiða. Hins vegar er sjómönnum verulega mismunað eftir því hvort um strandveiðileyfi er að ræða eða annars konar veiðileyfi.


Útgerð skipa með strandveiðileyfi fær til sín 80% af andvirði ufsaaflans sem landað er án þess að aflinn teljist til hámarksafla. Strandveiðisjómenn eru eigendur skipanna sem þær veiðar stunda. Samkvæmt 9. mgr. 11. greinar um stjórn fiskveiða fá hins vegar skipverjar, sem almennt eru launamenn, aðeins 20% af andvirði aflans til hlutaskipta. Alþingi þykir sem sagt í lagi að skerða laun sjómanna sem eru launamenn um 80% ákveði útgerð eða skipstjóri að landa afla þannig að hann teljist ekki til aflamarks sbr. 9. mgr. 11. greinar laganna. Ef hins vegar er um eiganda báts að ræða sem stundar strandveiðar þá er launaskerðingin aðeins 20%.

Sjómannasamband Íslands fer þess á leit að 9. mgr. 11. greinar laganna um stjórn fiskveiða verði í ljósi framangreinds lagfærð þannig að jafnræðis sé gætt. Vissulega ættu launamenn ekki að skaðast þó útgerðarmaður ákveði að landa afla þannig að hann teljist ekki til aflamarks eða hámarksafla. Alþingi hefur ekki leyfi að mati Sjómannasambands Íslands til að grípa þannig inn í gildandi kjarasamninga.

Því leggur Sjómannasamband Íslands til að Atvinnuveganefnd Alþingis og ráðherra sjávarútvegsmála beiti sér fyrir sanngjarnri lausn þannig að 10. mgr. 11. greinar laganna orðist með eftirfarandi hætti:

„Sé heimild 9. mgr. nýtt skulu forráðamenn uppboðsmarkaðarins þar sem aflinn er seldur standa skil á andvirði hins selda afla að frádregnum hafnargjöldum og kostnaði við uppboðið. Þá skal útgerðin fá 80% af andvirði selda afla, en laun sjómanna skulu reiknuð út frá heildaraflaverðmætinu samkvæmt kjarasamningum þar um.“

f.h. Sjómannasambands Íslands,

  
Hólmgeir Jónsson

**Samrit sent til:** Sjávarútvegs- og landbúnaðarráðherra.